

No seu compromiso coa psicoloxía xurídica e concretamente co desenrolo e investigación nesta área, a Sección de Psicoloxía Xurídica do Colexio Oficial de Psicoloxía de Galicia convoca dous recoñecementos que teñen como obxectivo promover a labor do/a psicólogo/a xurídico/a nos distintos ámbitos da actuación do eido da Psicoloxía Xurídica: Penitenciaria, criminal, forense, da familia, menor, das forzas de seguridade, das forzas armadas, vitimoloxía e mediación.

### 1. PARTICIPANTES

Poderán concorrer todas as persoas físicas, individualmente ou conformando un equipo de traballo ou investigación; ou xurídicas que estean colexiados/as no Colexio Oficial de Psicoloxía de Galicia e que pertencen á Sección de Psicoloxía Xurídica do COPG no momento da convocatoria.

### 2. CARACTERÍSTICAS E OBXECTO

Os traballos presentados poderán ser de investigación ou de intervención. Poderán presentarse todos aqueles traballos inéditos ou publicados sempre que a súa data de publicación non sexa anterior ao ano 2015. Os traballos deben ser de autoría propia, non presentado previamente a outra convocatoria e non premiado noutra institución. Asemade, en caso de versar sobre estudos sobre persoas, garantirán o anonimato dos suxeitos.

A Sección de Psicoloxía Xurídica do Colexio Oficial de Psicoloxía de Galicia poderá realizar a difusión oportuna e publicación dos traballos premiados, a través da páxina web do Colexio ou de calquera outra vía de divulgación estimada polo mesmo, con carácter gratuito.

Establécense as seguintes categorías para os traballos a presentar:

- a) Investigación empírica no eido da psicoloxía xurídica.
- b) Meta-Análise que recolla unha temática de investigación en psicoloxía xurídica.
- c) Análise e discusión de casos.
- d) Programa de intervención no eido da psicoloxía xurídica.

### 3. DOTACIÓN ECONÓMICA

O traballo premiado recibirá unha dotación económica que ascende a 600 euros cada un.

### 4. PRAZO DE PRESENTACIÓN

Todas as persoas participantes deberán cumprimentar a solicitude de inscrición (Anexo I) que pode ser descargada da páxina web do Colexio Oficial de Psicoloxía de Galicia [www.copgalicia.gal](http://www.copgalicia.gal) desde o día **31 de xullo ata o 14 de outubro de 2017 ás 14:00 horas**.

A inscrición poderase realizar directamente no rexistro do Colexio Oficial de Psicoloxía de Galicia, por correo certificado ou de forma telemática a través do correo electrónico [copgalicia@copgalicia.gal](mailto:copgalicia@copgalicia.gal) indicando en asunto RECOÑECIMENTO EN PSICOLOXÍA XURÍDICA.

## 5. REQUISITOS DE FORMATO

Os traballos presentados deben ser realizados con letra times new roman, tamaño 12, a dobre espazo e 2.5 m en todas as súas marxes.

Respectaranse as normas APA (2010) para o formato do informe, redacción e inclusión de referencias bibliográficas. Quedarán descartados aqueles que non cumpran con estes requisitos.

A dimensión do traballo non pode superar as 10.000 palabras.

## 6. VALORACIÓN

O xurado estará composto por:

- » A Presidenta da Xunta Directiva da Sección de Psicoloxía Xurídica do COPG.
- » Dous membros da Xunta Directiva da Sección de Psicoloxía Xurídica do COPG.
- » Un membro da Xunta de Goberno do COPG.
- » Un/Unha psicólogo/a pertencente á Sección de Psicoloxía Xurídica do COPG.
- » Un/unha académico/a ou investigador/a vinculado/a ao eido da psicoloxía xurídica.
- » Un/Unha profesional vinculado/a ao eido da psicoloxía xurídica.

Todos os membros do xurado serán psicólogos/as.

Os/As compoñentes do xurado non poderán presentar traballos nin manter relación profesional ou de especial amizade con ningunha das persoas que se opten ao premio.

No caso de existir conflito de intereses, a persoa membro do xurado afectada renunciará a súa participación no mesmo, procedendo a designación por nomeamento ou sorteo doutra persoa.

## 7. ENTREGA DO PREMIO

A entrega do premio realizarase o mesmo día ca Asemblea Anual de Socios e Socias da Sección de Psicoloxía Xurídica do Colexio Oficial de Psicoloxía de Galicia, que se celebrará no mes de decembro.

8. A publicación dos traballos premiados farase mediante anuncio público na páxina web do Colexio Oficial de Psicoloxía de Galicia, [www.copgalicia.gal](http://www.copgalicia.gal), constando o nome, apelidos, número de colexiado/a e título do traballo.

9. A presentación da solicitude de participación a estes premios presupón a aceptación das súas bases por parte da/s persoa/s presentada/s.